



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 116. Sessio V. præfatæ Synodi.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A. C. 1438.

vit; Sic tota Sessio inani fere verborum certamine absoluta est, rei summa pene indecisa permanente. Eodem tamen die, cum finita esset Sessio, in domo Patriarchæ, præsentibus Imperatore, Cardinalibus, Prælatibus, ceterisque Viris Ecclesiastica dignitate conspicuis habita est Congregatio, in qua Græci primo loco sanctorum Patrum, & Symboli definitiones recitari iteratis precibus efflagitarunt, contestati, se haud ultra accessuros Synodum, nisi voti damnarentur; Ergo eorum postulatis omnino acquiescere oportuit.

§. CXVI.

Sessio V. Ferrariensis Concilii.

*Labbe Conc.
tom. 13. p. 63.*

Quapropter Marcus Ephesinus in Sessione quinta, quæ die decima sexta Octobris feria quinta celebrata est, primæ & secundæ Synodi Generalis decreta veruti Ecclesiæ Catholicæ, ac fidei fundamenta prælegi postulavit, & paucis a Cardinale Juliano interjectis, Marcus edixit: *Recitabuntur non integræ definitiones; id enim longum esset; sed partes earum, quæ spectant ad præsens negotium.* Igitur lecta est expositio fidei seu Symbolum trecentorum decem & octo Patrum, qui olim Nicæam convenerant; huic additum est decretum, quo Ephesinæ Synodi Patres statuebant, nulli fas esse huic Symbolo quic-

quicquam adjicere. Marcus Ephesinus ^{Sæcul. XV.}
 hanc prohibitionem multis exaggerabat, ^{A. C. 1438.}
 eamque Sancti Cyrilli, atque Cælestini
 Papæ testimonio confirmabat. Insuper
 Concilii Chalcedonensis, & aliorum, quæ
 inter generalia quartum, quintum, sex-
 tum & septimum dicuntur, definitiones
 referebantur, quibus Symbolum ulla ad-
 ditione immutari prohibitum fuit. His
 perlectis Ephesinus in horum Concilio-
 rum generalium, præcipue in septimi,
 seu Nicæni II. decreta prolixo admodum
 sermone excurrebat. Tandem vero La-
 tini manuscriptum septimæ hujus Syno-
 di librum in medium protulerunt, conten-
 dentes, hunc codicem pervetustum esse,
 atque in eo Spiritum sanctum a Filio pro-
 cedere, disertis verbis exprimi. Nihilo-
 minus Græci huic Codici nullam fidem
 attribuebant, asserentes, quod luculentum
 adeo, atque decretorium quæstionis testi-
 monium, si genuinum foret, nequaquam a
 ceteris Latinis additionis hujus propugna-
 toribus præclarissimis neglectum, sed abs
 dubio jam dudum prolatum fuisset.

§. CXVII.

Sessio VI. Ferrariensis Synodi.

Die vigesima Octobris feria secunda ha- ^{Labbe Conc}
 bita est Sessio sexta, in qua mutuo ^{tom. 13. p. 86.}
 consensu pactum, ne ex Conciliis in caussa

Bb 4

Pho-